

საქართველოს თავდაცვის სამინისტრო



საქართველოს თავდაცვის სამინისტროს სამხედრო მოსამსახურეთა კვებით უზრუნველყოფის (CPV 55500000 – სასადილოებისა და საზოგადოებრივი კვების საწარმოების მომსახურებები) შესყიდვის ელექტრონული ტენდერის სატენდერო დოკუმენტაცია

- თბილისი
- მცხეთა
- საგურამო
- ბაზალეთი
- კრწანისი
- გორი
- ქარელი
- ხაშური
- ახალციხე

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

თბილისი
2013 წელი

1	საკვალიფიკაციო მოთხოვნები	3
2	ტექნიკური მოთხოვნები	5
3	სახელმწიფო შესყიდვის შესახებ ხელშეკრულების ფორმა და პირობები	9
4	ხელშეკრულების შესრულების უზრუნველყოფის გარანტია	14
5	პრეტენდენტის რეკვიზიტები	15
6	შენიშვნა	15
7	საკონტაქტო პირი სატენდერო დოკუმენტაციის შესახებ განმარტებებისათვის	16

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად

1. საკვალიფიკაციო მოთხოვნები

გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის 9 ბრძანების მე-12 მუხლის მე-7 პუნქტის შესაბამისად, სატენდერო კომისიის მიმართვიდან არაუმეტეს 5 (ხუთი) სამუშაო დღისა, პრეტენდენტი ვალდებულია წარმოადგინოს საკვალიფიკაციო მონაცემების დამადასტურებელი დოკუმენტები, რაც ამ წესის მე-12 მუხლის მე-7 პუნქტის „ბ“ ქვეპუნქტის შესაბამისად, გაცემულ უნდა იყოს მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (წინადადების მიღება დაწყებულია) დაწყების შემდეგ, ხოლო არარეზიდენტი პრეტენდენტის შემთხვევაში - საკვალიფიკაციო მონაცემების დამადასტურებელი დოკუმენტები გაცემულ უნდა იყოს ამ წესის მე-2 მუხლის პირველი პუნქტის „ლ“ ქვეპუნქტის დაწყებამდე არაუგვიანეს ოცდაათი დღისა.

პრეტენდენტის მიერ საკვალიფიკაციო მონაცემების დამადასტურებელი დოკუმენტების ასლების წარმოდგენა შემსყიდველ ორგანიზაციაში ხდება სისტემის მეშვეობით. ამ შემთხვევაში საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის.

საკვალიფიკაციო მონაცემების დამადასტურებელი დოკუმენტების, ასევე ტექნიკური დოკუმენტაციის წარდგენა შესაძლებელია როგორც ქართულ, ისე უცხოურ ენაზე. დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. აღნიშნულ დოკუმენტაციასთან დაკავშირებული სადავო საკითხების გადაწყვეტისას უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს.

საკვალიფიკაციო მონაცემების დამადასტურებელი დოკუმენტების წარმოდგენის, ასევე ხელშეკრულების შესრულების გარანტიისა და მიმწოდებლის მიერ წინასწარი ანგარიშსწორების

მოთხოვნის შემთხვევაში საბანკო გარანტიის წარმოდგენისას, სატენდერო კომისია იხელმძღვანელებს „თეთრ სიაში“ რეგისტრირებული მიმწოდებელთათვის საქართველოს კანონმდებლობით განსაზღვრული, აგრეთვე კომპანიის ცნობადობასა და საქმიან რეპუტაციასთან დაკავშირებული, კანონმდებლობით დადგენილი შეღავათებით.

საკვალიფიკაციო მონაცემების დამადასტურებელი დოკუმენტები ამ ტენდერისათვის წარმოადგენს შემდეგს:

იურიდიული პირებისათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- გ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ;
- დ) ცნობა უფლებამოსილი ორგანოდან, რომ იურიდიული პირის მიმართ არ მიმდინარეობს გადახდისუუნარობის საქმის წარმოება;

ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- ბ) პირადობის დამადასტურებელი სახელმწიფო დოკუმენტის ასლი;
- გ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან ან/და გადასახადის გადამხდელად რეგისტრაციის მოწმობის ასლი.

როგორც ფიზიკური, ისე იურიდიული პირებისთვის

- ა) ქვეკონტრაქტორ(ებ)თან ერთად ტენდერში მონაწილეობის შემთხვევაში, პრეტენდენტმა ქვეკონტრაქტორ(ებ)ზეც უნდა წარმოადგინოს წინამდებარე სატენდერო დოკუმენტაციით განსაზღვრული საკვალიფიკაციო მონაცემები;
- ბ) უცხო ქვეყნის იურიდიული და ფიზიკური პირების მიერ წარმოდგენილ უნდა იქნეს სათანადოდ უფლებამოსილ ორგანოთა მიერ გაცემული ეკვივალენტური დოკუმენტები;
- გ) ამხანაგობის სახით ტენდერში მონაწილეობის შემთხვევაში, ამხანაგობის წევრებმა სისტემაში დამატებით უნდა ატვირთონ სანოტარო წესით დამოწმებული ხელშეკრულება, რომელიც უნდა აკმაყოფილებდეს საქართველოს სამოქალაქო კოდექსის 931-ე მუხლით დადგენილ პირობებს (იხ. სატენდერო დოკუმენტაციის დანართი N1).
- დ) ტენდერში გამარჯვებულმა პრეტენდენტმა ხელშეკრულების გაფორმების მომენტისთვის უნდა წარმოადგინოს „სახელმწიფო საიდუმლოების შესახებ“ საქართველოს კანონითა და „სახელმწიფო საიდუმლოების შესახებ“ საქართველოს კანონის ამოქმედებასთან დაკავშირებული ნორმატიული აქტების დამტკიცების თაობაზე“

საქართველოს პრეზიდენტის 1997 წლის 21 იანვრის N42 ბრძანებულებით დადგენილი საიდუმლო ინფორმაციაზე დაშვების დამადასტურებელი დოკუმენტი - ფორმა N4 (იხ. სატენდერო დოკუმენტაციის დანართები N2 და N3) - დოკუმენტი წარმოდგენილ უნდა იქნას საქართველოს შინაგან საქმეთა სამინისტროდან.

ე) ფინანსური ბრუნვა 2012 წლის 1 იანვრიდან 2012 წლის 31 დეკემბრის ჩათვლით - არანაკლებ 3 000 000 (სამი მილიონი) ლარისა - დოკუმენტი წარმოდგენილი უნდა იქნეს საქართველოს ფინანსთა სამინისტროს სსიპ შემოსავლების სამსახურიდან.

შენიშვნა: აღნიშნული მოთხოვნა ეხება მხოლოდ პრეტენდენტს (ძირითად კონტრაქტორს) და დაუშვებელია ფინანსური ბრუნვის მაჩვენებლებში შეყვანილ იქნეს ქვეკონტრაქტორთა მონაცემებიც.

ვ) პრეტენდენტის მიერ ხელშეკრულების ხელმოწერის მომენტისათვის საკვალიფიკაციო მონაცემების დამადასტურებელი დოკუმენტების დადგენილი ფორმით წარმოდგენილობა გამოიწვევს მის დისკვალიფიკაციას ამ წესის მე-13 მუხლის მე-2 პუნქტის „ე“ ქვეპუნქტისა და მე-16 მუხლის მე-6 პუნქტის „გ“ ქვეპუნქტის საფუძველზე.

2. ტექნიკური მოთხოვნები

2.1. მომსახურების გაწევის არეალი:

2.1.1. თბილისი, მცხეთა, საგურამო, ბაზალეთი, კრწანისი, გორი, ქარელი, ხაშური, ახალციხე - სულ 21 ლოკაცია.

2.2. მომსახურების გაწევის ვადა - 2013 წლის 1 მაისიდან 2014 წლის 31 დეკემბრის ჩათვლით.

2.3. მიმწოდებელმა უნდა განახორციელოს:

2.3.1. სტანდარტული კვებით უზრუნველსაყოფი სამხედრო მოსამსახურეების რაოდენობა - ყოველდღიურად არა უმეტეს 6 100 მოსამსახურისა;

2.3.2. სპეციალური კვებით უზრუნველსაყოფი სამხედრო მოსამსახურეების რაოდენობა - ყოველდღიურად არა უმეტეს 600 მოსამსახურისა;

შენიშვნა: ზუსტი მონაცემები სამხედრო მოსამსახურეთა რაოდენობის შესახებ მიმწოდებელს გადაეცემა ხელშეკრულების გაფორმებისას.

2.3.3. კვებით უზრუნველყოფა გულისხმობს:

2.3.3.1. სამხედრო მოსამსახურეთა დღეში სამჯერად კვებას;

2.3.3.2. კვება უნდა იყოს ნორმირებული, შესაბამისი ნორმის მიხედვით.

2.3.3.3. საქართველოს თავდაცვის მინისტრის „საქართველოს თავდაცვის სამინისტროსა და საქართველოს თავდაცვის სამინისტროს მმართველობის სფეროში მოქმედი საჯარო სამართლის იურიდიული პირების სამხედრო მოსამსახურეების, სახელმწიფო სპეციალური წოდების მქონე და სამოქალაქო პირთა, სამხედრო განათლებისა და მომზადების განმახორციელებელი ზოგადსაგანმანათლებლო დაწესებულების მოსწავლეების სასურსათო უზრუნველყოფის ნორმების დამტკიცების შესახებ“ 1 თებერვლის N31 ბრძანებით დამტკიცებული კვების ნორმები (2013 წლის 18 თებერვლის ცვლილებების გათვალისწინებით) წარმოადგენს წინამდებარე სატენდერო დოკუმენტაციის განუყოფელ ნაწილს (იხ. სატენდერო დოკუმენტაციის დანართები N4 და N4_1. **ამასთან, კვების ნორმები, რომლითაც მიმწოდებელმა უნდა იხელმძღვანელოს სატენდერო წინადადების შედგენისას, მოცემულია დანართში N4_1**);

2.3.3.4. კვება მზა კერძების და დამხმარე კვების პროდუქტების ენერგეტიკული ღირებულება უნდა გადანაწილდეს შემდეგი პროპორციით: საუზმე - 30-35%, სადილი - 40-45%, ვახშამი - 30-20%;

2.3.3.5. კვება თვის განმავლობაში ყოველკვირეული მენიუ-განწილვა უნდა იყოს განსხვავებული ერთმანეთისგან, მრავალფეროვანი ერთი პროდუქტის მეორეთი შეცვლის ნორმების გამოყენებით;

შენიშვნა: შეცვლის ნორმები შეიძლება გამოყენებულ იყოს არა უმეტეს 3-ჯერ კვირის მენიუში. ნებისმიერი გამონაკლისი აღნიშნული წესიდან წინაწარ უნდა იქნეს შეთანხმებული შემსყიდველთან;

2.3.3.6. ყოველი კვირის მენიუ-განწილვაში მითითებული უნდა იყოს ინგრედიენტების რაოდენობა გრამებში, ერთ კაცზე გაანგარიშებით. მზა კერძების გამოსავლიანობა (მათ შორის ხორცის და თევზის თერმული დამუშავების შემდეგ) და კალორიაჟი;

2.3.3.7. კერძების გამოსავლიანობა უნდა შეადგენდეს: სალათის - 100-150 გრ., პირველი თავი კერძის (წვნიანი) - 420-500 გრ., მეორე თავი კერძის - 300-350 გრ (ხორციანად ან თევზიანად);

2.3.3.8. კვების დღიური ენერგეტიკული ღირებულება უნდა შეადგენდეს არა ნაკლებ 4000 კილოკალორიას.

ცხრილი N1 (პრეისკურანტი)

პუნქტი N	მომსახურების დასახელება	კვების ღირებულება (1 დღე)
1.	სტანდარტული კვება	9,50 ლარი
2.	სპეციალური კვება	10,50 ლარი
ჯამური ღირებულება		20,00 ლარი

პრეტენდენტთა საყურადღებოდ:

➤ პრეტენდენტმა ელექტრონული ვაჭრობა უნდა განახორციელოს პრეისკურანტის სავარაუდო ჯამურ ღირებულებაზე (იხ. ცხრილი N1);

➤ ელექტრონული სისტემის გამოყენებით, პრეტენდენტმა მიერ ელექტრონული ვაჭრობის ძირითად დროსა და დამატებით რაუნდებში განხორციელებული ყოველი წინადადების ფასის კლება, ასევე, პრეისკურანტის სავარაუდო ღირებულებასა და პრეისკურანტის საბოლოო ღირებულებას შორის სხვაობა იყოფა ორზე და თანაბრად აკლდება ცხრილი N1-ის პირველ და მეორე პუნქტებში წარმოდგენილ ერთეულის ფასებს;

- ტენდერით განსაზღვრული მომსახურების განხორციელება შესაძლებელია:
- ✓ დამოუკიდებლად;
- ✓ ქვეკონტრაქტორ(ებ)თან ერთად;
- ✓ ამხანაგობ(ებ)ის მიერ;
- ✓ ორი ან მეტი პირის მიერ, რომლებსაც ერთმანეთთან გაფორმებული აქვთ განზრახვათა შესახებ ხელშეკრულება ან ურთიერთთანამშრომლობის მემორანდუმი;
- ✓ ნებისმიერი სხვა სამართლებრივი ფორმით.

ტენდერში მონაწილეობის მსურველებთან (პრეტენდენტებთან) 2013 წლის 28 თებერვალს, 15 საათზე გაიმართება შეხვედრა, რომელზეც დაინტერესებულ პირებს შეეძლება მიიღონ დამატებითი განმარტებები მომსახურების გაწევასთან დაკავშირებით საკითხებზე. მისამართი: ქ. თბილისი, გენერალ კვინიტაძის ქუჩა N20.

2.4. პრეტენდენტმა უნდა წარმოადგინოს (სისტემაში ატვირთოს) შემდეგი დოკუმენტები/ინფორმაცია:

- 2.4.1. ერთკვირიანი ტიპობრივი მენიუ-განწილვის 4 სხვადასხვა ვარიანტი, სეზონების მიხედვით: 2 - ზამთრის, 2 - ზაფხულის - როგორც სტანდარტული, ისე სპეციალური კვებისთვის;
- 2.4.2. ერთთვიანი (4 კვირის) მენიუ-განწილვა - მომსახურების გაწევის პირველი თვის მენიუ, გაწერილი კვირების მიხედვით - როგორც სტანდარტული, ისე სპეციალური კვებისთვის;
- 2.4.3. სადღესასწაულო მენიუ (საახალწლო, სააღდგომო, შეიარაღებული ძალების დღისთვის), რომელიც მრავალფეროვნებით განსხვავებული უნდა იყოს ტიპობრივი მენიუ-განწილვისგან;
- 2.4.4. წარმოდგენილ მენიუ-განწილვაში სავარაუდო (პირობითი) კერძების მომზადების წესები.
- 2.4.5. მომსახურების აღწერილობა, რაც უნდა მოიცავდეს: დეტალურ ინფორმაციას მომსახურების გაწევის, პრეტენდენტის მფლობელობაში არსებული ტექნიკის (მ. შ. სპეცტექნიკის - სატვირთო ავტომანქანები, ავტომანქანა-მაცივრები და ა. შ.), სასაწყობო მეურნეობის, საკვები პროდუქტის ტრანსპორტირების შესახებ.
- შენიშვნა: მომსახურების აღწერილობა სრულად უნდა შეესაბამებოდეს სატენდერო დოკუმენტაციით განსაზღვრულ პირობებს და დასაბუთებული უნდა იყოს სათანადო გაანგარიშებით. ასევე, პრეტენდენტმა უნდა წარმოადგინოს მატერიალურ-ტექნიკური ბაზის (სატვირთო ავტომანქანები, ავტომანქანა-მაცივრები და ა. შ.) ფლობის დამადასტურებელი დოკუმენტაცია და/ან დოკუმენტი ტენდერში გამარჯვების შემთხვევაში ამგვარი მატერიალურ-ტექნიკური ბაზის მომსახურების განსახორციელებლად გამოყენების თაობაზე.*
- სატენდერო დოკუმენტაციით განსაზღვრულ პირობებთან შეუსაბამობა წარმოადგენს პრეტენდენტის დისკვალიფიკაციის საფუძველს.*
- 2.4.6. ინფორმაცია პრეტენდენტის/ქვეკონტრაქტორ(ებ)ის არანაკლებ 1 წლის გამოცდილების შესახებ საკვები პროდუქტებით მომარაგებისა და ტრანსპორტირება/ლოგისტიკა/საკვების ადგილზე მიწოდების სფერო(ებ)ში (catering).

2.4.7. არანორმალურად დაბალი ფასი, ანუ პრეისკურანტის ღირებულება, რომლის დასაბუთებასაც პრეტენდენტი ვერ შეძლებს და რომლითაც ფაქტობრივად შეუძლებელი იქნება ტენდერით გათვალისწინებული მომსახურების განხორციელება შეიძლება გახდეს პრეტენდენტის დისკვალიფიკაციის საფუძველი.

2.4.8 ტენდერში მონაწილეობის მიღებით, პრეტენდენტი ადასტურებს რომ კისრულობს შემდეგ ვალდებულებას:

- 2.4.8.1. 2013 წლის 1 მაისიდან 2013 წლის 31 დეკემბრამდე გამოყენებული საკვები პროდუქტის მთლიანი ღირებულების მინიმუმ 45% იქნება ადგილობრივი წარმოების;
- 2.4.8.2. 2014 წლის 1 იანვრიდან 2014 წლის 31 დეკემბრამდე გამოყენებული საკვები პროდუქტის მთლიანი ღირებულების მინიმუმ 55% იქნება ადგილობრივი წარმოების.

2.5. შესყიდვის ობიექტის სავარაუდო ღირებულება

2.5.1. შესყიდვის ობიექტის სახელშეკრულებო ღირებულება შეადგენს 39 192 500,00 (ოცდაცხრამეტი მილიონ ასოთხმოცდათორმეტი ათას ხუთასი) ლარს.

2.5.2. სატენდერო წინადადების ღირებულება უნდა მოიცავდეს მიმწოდებლის ყველა ხარჯს, დაკავშირებულს მომსახურების გაწევასთან. მათ შორის, კანონმდებლობით დადგენილ ყველა გადასახადს და მოსაკრებელს.

2.5.3. პრეისკურანტის სავარაუდო ჯამური ღირებულება შეადგენს 20,00 ლარს;

2.5.4. სატენდერო წინადადებაში საერთო და ერთეულის ფასი (სტანდარტული და სპეციალური კვების ღირებულება ცალ-ცალკე) გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

2.5.5. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში;

2.5.6. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

2.6. ანგარიშსწორების პირობები

2.6.1. შემსყიდველი იღებს ვალდებულებას, გადაუხადოს მიმწოდებელს მიწოდებული მომსახურების ღირებულება, ამ მომსახურების მიღება-ჩაბარების აქტის ხელმოწერიდან 20 კალენდარული დღის ვადაში, მხარეთა შორის გაფორმებული ხელშეკრულებით გათვალისწინებული დოკუმენტაციის საფუძველზე.

2.6.2. ანაზღაურება განხორციელდება საანგარიშო თვეში კმაყოფაზე მყოფ პირთა რაოდენობის მიხედვით:

2.6.2.1. საუზმე - კვების დღიური ღირებულების 30%;

2.6.2.2. სადილი - კვების დღიური ღირებულების 40%;

2.6.2.3. ვახშამი - კვების დღიური ღირებულების 30%.

2.6.3. ანგარიშსწორების ვალუტა: ლარი;

ანგარიშსწორების ფორმა: უნაღდო (საბანკო გადარიცხვა);

2.6.4. შემსყიდველსა და მიმწოდებელს შორის გაფორმებული ხელშეკრულების ფარგლებში შესაძლებელია ანაზღაურება განხორციელდეს წინასწარი ანგარიშსწორების წესით, მიმწოდებლის მიერ შემსყიდველისთვის წარდგენილი საბანკო გარანტიის საფუძველზე, ამასთან არა უმეტეს ხელშეკრულების ღირებულების 15%-სა.

2.6.5. ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 2%-ს ოდენობით;

2.6.6. 2.6.4. ქვეპუნქტით განსაზღვრული საბანკო გარანტიის მოქმედების ვადა უნდა შეადგენდეს არანაკლებ 5 (ხუთი) თვეს საბანკო გარანტიის წარმოდგენის დღიდან, ხოლო 2.6.5. ქვეპუნქტით განსაზღვრული საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული მომსახურების გაწევის ბოლო ვადას.

2.7. ხელშეკრულების ფორმა: წერილობითი.

2.8. დამატებითი მოთხოვნები:

2.8.1. სამხედრო მოსამსახურეთა რაოდენობა შესაძლებელია იყოს:

2.8.1.1. უფრო ნაკლები, ვიდრე მითითებულია სატენდერო დოკუმენტაციაში;

2.8.1.2. განსაკუთრებულ შემთხვევებში - უფრო მეტი, ვიდრე მითითებულია სატენდერო დოკუმენტაციაში. ასეთ შემთხვევებში შემსყიდველი იღებს ვალდებულებას 24 საათით ადრე აცნობოს მიმწოდებელს სამხედრო მოსამსახურეთა ზუსტი რაოდენობა.

2.8.2. ტენდერში გამარჯვების შემთხვევაში, პრეტენდენტმა უნდა იკისროს შემდეგი ვალდებულებების შესრულება:

2.8.2.1. კვების დაგეგმვა;

2.8.2.2. საწყობიდან სასადილოში პროდუქტების მიღება-გაცემის ორგანიზება;

2.8.2.3. მზა კერძების გაცემა და ხარისხის შემოწმება;

2.8.2.4. უზრუნველყოს საკვების მრავალფეროვნება, რამდენიმე სახეობის სხვადასხვა კერძის აუცილებელი რაოდენობის მიწოდება;

2.8.2.5. დადგენილი კვების ჯერადობის რეჟიმის დაცვა;

2.8.2.6. უზრუნველყოს კვების ორგანიზება როგორც სასადილოში, ისე საველე პირობებში;

2.8.2.7. საქართველოს კანონმდებლობის შესაბამისად დაიცვას და არ გაახმაუროს სახელმწიფო საიდუმლოების შემცველი ინფორმაცია, რომელიც მისთვის ცნობილი გახდა ვალდებულებების შესრულებისას;

2.8.2.8. საომარი მდგომარეობის შემთხვევაში, სამხედრო ნაწილის მიერ საბრძოლო მოქმედებების ზურგში დროებითი საველე კვების პუნქტის მოწყობისას არ შეწყვიტოს მომსახურების მიწოდება, გარდა იმ შემთხვევისა, როდესაც მომსახურების მიწოდება შეუძლებელია ფორს-მაჟორული გარემოებების გამო;

2.8.2.9. პროდუქტის ტრანსპორტირების და შენახვის პირობების მკაცრი დაცვა;

2.8.2.10. შეფ-მზარეულის მომსახურებით უზრუნველყოფა;

2.8.2.11. მზარეულთა სწავლების ორგანიზება;

2.8.2.12. უზრუნველყოფა მომსახურე პერსონალით.

2.8.2.13. მიმწოდებელი ვალდებულია შეინარჩუნოს არსებული სამუშაო ადგილების სულ მცირე, 75%. ნებისმიერი გამოწვევის ადნიშნული წესიდან წინაწარ უნდა იქნეს შეთანხმებული შემსყიდველთან;

2.8.2.14. სამზარეულო ინვენტარისა და მანქანა-დანადგარების საკუთარი ხარჯებით მოვლა-პატრონობა, შეკეთება;

2.8.2.15. შენობა-ნაგებობების მიმდინარე რემონტი;

2.8.2.16. სასურსათო ნედლეულისა და კვების პროდუქტების ხარისხისა და უსაფრთხოების სანიტარიული წესებისა და ნორმების დაცვა (იხ. სატენდერო დოკუმენტაციის დანართი N5);

2.8.2.17. სადებიზინფექციო-სადერატიზაციო სამუშაოების ჩატარების ორგანიზება სასადილოებსა და სასაწყობე ფართებში მინიმუმ ორ თვეში ერთხელ.

2.8.2.18. კვების ობიექტის თითოეული მომსახურე პერსონალის სამედიცინო შემოწმების ორგანიზება ექვს თვეში ერთხელ.

2.9. შემსყიდველი ადასტურებს, რომ:

2.9.1. დროებით სარგებლობაში გადასცემს მიმწოდებელს მომსახურების გასაწევად საჭირო სამზარეულო მანქანა-დანადგარებს. მოძველებული მანქანა-დანადგარების ჩანაცვლება განხორციელდება ეტაპობრივად, 2013 წლის 31 დეკემბრამდე;

2.9.2. უზრუნველყოფს შენობა-ნაგებობების კაპიტალური რემონტის, შენახვისა და კომუნალური ხარჯებს (გარდა საყოფაცხოვრებო ნარჩენების გატანის ხარჯებისა).

3. სახელმწიფო შესყიდვის შესახებ ხელშეკრულების ფორმა და პირობები

ხელშეკრულების პირობების დაზუსტება შესაძლებელია ტენდერში გამარჯვებულ პრეტენდენტთან ხელშეკრულების მომზადების პროცესში, საქართველოს კანონმდებლობის შესაბამისად, შემსყიდველისათვის პირობების გაუარესების გარეშე.

ხელშეკრულება სახელმწიფო შესყიდვის შესახებ № ———

ქ. თბილისი

«———» ————— 2013 წ.

შემსყიდველი – საქართველოს თავდაცვის სამინისტრო, წარმოდგენილი მინისტრის მოადგილის ზაზა ბროლაძის სახით.
მისამართი: 0112, ქ. თბილისი, გენერალ გ. კვინიტაძის ქ. №20.
სკ. 204900483.
საბანკო რეკვიზიტები: ანგ.№200122900 სახელმწიფო ხაზინა, საქართველოს თავდაცვის სამინისტრო, კოდი TRESGE22

მიმწოდებელი –

მისამართი, ტელეფონი:

(იურიდიული და ფაქტობრივი ადგილსამყოფელის, საფოსტო, ელექტრონული მისამართები, ფაქსის ნომერი ოფიციალური შეტყობინებისთვის)

ხელმძღვანელი:

საბანკო რეკვიზიტები:

იმის გათვალისწინებით, რომ შემსყიდველმა ჩაატარა ტენდერი SPA -----

(შესყიდვის ობიექტის მოკლე აღწერა, კლასიფიკატორის კატეგორიის, ქვეკატეგორიის, კლასის, ჯგუფის ან დანაყოფის კოდი)

სახელმწიფო შესყიდვაზე, რომელშიც გამარჯვებულად მიჩნეული იქნა მიმწოდებლის სატენდერო წინადადება, მხარეები შეთანხმდით შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომ „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაციით, რომელზეც ხელშეკრულებაში არის მინიშნებები;

1.2 „ხელშეკრულების ჯამური ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულების სრულად და ზედმიწევნით შესრულებისთვის;

1.3 „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვების შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“, ნიშნავს კალენდარულ დღეს, კვირას, თვეს.

2. ხელშეკრულების საგანი

2.1. მიმწოდებელი უზრუნველყოფს საქართველოს სხვადასხვა რეგიონებში განლაგებულ სამხედრო ნაწილებში სამხედრო მოსამსახურეთა კვებას (შემდგომში - „მომსახურება“) სატენდერო დოკუმენტაციის, საქართველოს თავდაცვის მინისტრის შესაბამისი ბრძანებებისა და წინამდებარე ხელშეკრულების დანართებით განსაზღვრული პირობების შესაბამისად.

3. მომსახურების ღირებულება

3.1 ერთი სამხედრო მოსამსახურის დღიური კვებითი უზრუნველყოფის ღირებულება შეადგენს ----- (-----) ლარს დღე-ს ჩათვლით. ღირებულება მოიცავს მიმწოდებლის ყველა ხარჯს, დაკავშირებულს მომსახურების გაწევასთან. მათ შორის, კანონმდებლობით დადგენილ ყველა გადასახადს და მოსაკრებელს.

3.2 ხელშეკრულების საერთო ღირებულება შეადგენს არა უმეტეს ----- (-----) ლარს დღე-ს ჩათვლით.

3.3 კ/დღეზე მომსახურებისათვის გათვალისწინებული ერთეულის ღირებულება გადანაწილებულია შემდეგი თანაფარდობით: საუზმისათვის ----- ლარის – 30%, რომელიც შეადგენს ----- ლარს, სადილისათვის -----

ლარის – 40%, რომელიც შეადგენს ----- ლარს, ვახშამისათვის ----- ლარის – 30%, რომელიც შეადგენს ----- ლარს.

3.4 გაწეული მომსახურების ყოველდღიური ღირებულება გამოითვლება კონკრეტული შეკვეთის შესაბამისად სამხედრო მოსამსახურეების კვებაზე გაწეული ხარჯებისაგან.

3.5 ხელშეკრულების ღირებულება შეიცავს მიმწოდებლის ყველა ხარჯს, დაკავშირებულს კვებით პროდუქტების შესყიდვასთან, მომსახურების გაწევასთან, მათ შორის კანონმდებლობით დადგენილ ყველა გადასახადს და მოსაკრებელს.

3.6 ღირებულებაში არ შედის მოხმარებული წყლის, ბუნებრივი აირის და ელექტროენერგიის გადასახადი. მათ გადახდას უზრუნველყოფს შემსყიდველი.

3.7 მიმწოდებელმა უარი უნდა თქვას იმ კონკრეტული შეკვეთის შესრულებაზე, რომლის ღირებულება გადააჭარბებს ხელშეკრულების ფასის ჯამურ ღირებულებას და შეუსრულებლად უბრუნებს შემსყიდველს კანონმდებლობით დადგენილი წესით.

4. ანგარიშსწორება

4.1. შემსყიდველი იღებს ვალდებულებას, გადაუხადოს მიწოდებელს მიწოდებული მომსახურების ღირებულება მიღება-ჩაბარების აქტის ხელმოწერიდან 20 კალენდარული დღის ვადაში, ამ ხელშეკრულებით გათვალისწინებული დოკუმენტაციის საფუძველზე.

4.2. ანგარიშსწორების ვალუტა: ლარი.

4.3. ანგარიშსწორების ფორმა: უნაღდო (საბანკო გადარიცხვა).

5. სტანდარტები

5.1. ხელშეკრულების ფარგლებში გაწეული მომსახურება უნდა შეესაბამებოდეს საქართველოში მოქმედ სტანდარტებს.

6. ხელშეკრულების შესრულების კონტროლი

6.1. ხელშეკრულების შესრულების კონტროლს განახორციელებს:

6.1.1. საქართველოს შეიარაღებული ძალების გაერთიანებული შტაბის ჯარების ლოგისტიკური უზრუნველყოფის სარდლისა და სამხედრო ნაწილის მეთაურის მიერ გამოყოფილი პირ(ები) – შეკვეთის მიცემის, შესრულების ვადების, მიღება-ჩაბარების (მათ შორის ქონების დროებით სარგებლობაში გადაცემას) და მომსახურების ხარისხის/მოცულობის კონტროლის, გასაწევი მომსახურების ჩამონათვალის და ტექნიკური დავალებით გათვალისწინებული პირობების შესრულების საკითხებზე;

6.1.2. სახელმწიფო შესყიდვების დეპარტამენტის უფროსის მიერ გამოყოფილი პირ(ები) – 6.1.1. ქვეპუნქტით გათვალისწინებულ საკითხებზე.

6.2. კონტროლი განხორციელდება შემდეგი ფორმებით:

6.2.1. ხელშეკრულების პირობებთან მიწოდებული მომსახურების ხარისხისა და რაოდენობის (მოცულობის) შესაბამისობის შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური, დოკუმენტური ან/და საქონლის გამოცდის (მათ შორის ლაბორატორიული გამოცდის) მეთოდით;

6.2.2. მიწოდების შეთანხმებული ვადების და რაოდენობის (მოცულობის) დაცვის მონიტორინგი;

6.3. კონტროლი ხორციელდება ხელშეკრულების შესრულების ნებისმიერ ეტაპზე, მომსახურების მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგაც.

6.4. კონტროლის განხორციელების ადგილია: მომსახურების მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

6.5. კონტროლის განხორციელებისას მიმწოდებელი ვალდებულია შეასრულოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ 22-ე მუხლით განსაზღვრული მოთხოვნები.

7. მომსახურების მიწოდების პირობები

7.1. შემსყიდველის შეკვეთის შემთხვევაში მიმწოდებელი, საკუთარი ხარჯებით, ამ ხელშეკრულების პირობების გათვალისწინებით, განახორციელებს მომსახურებას როგორც სამხედრო ნაწილებში, ისე საველე პირობებში, რაც გულისხმობს საკვების მრავალფეროვნებას, რამდენიმე სახეობის სხვადასხვა კერძის დადგენილი რაოდენობით მიწოდებას, დღეში სამჯერ, მიმწოდებლის კვების პროდუქტებით (ტრანსპორტირებითა და შენახვის პირობების დაცვით) და მომსახურე პერსონალით, შეკვეთით განსაზღვრულ დროს, ამ ხელშეკრულების პირობების შესაბამისად.

7.2. კვება მზა კერძების და დამხმარე კვების პროდუქტების ენერგეტიკული ღირებულება უნდა გადანაწილდეს შემდეგი პროპორციით: საუზმე - 30-35%, სადილი - 40-45%, ვახშამი - 30-20%;

7.3. შემსყიდველის (6.1.1. პუნქტში მითითებული პირების) მიერ შეკვეთის წარუდგენლობის შემთხვევაში, მომსახურების მიწოდებისა და მიღების უფლება-მოვალეობები არ წარმოიქმნება.

7.4. მიმწოდებელი ვალდებულია, მომსახურების ან ყოველი მისი ნაწილის მიწოდებისას წარადგინოს კანონმდებლობით დადგენილი დოკუმენტაცია.

8. მხარეთა ვალდებულებები

8.1 შემსყიდველი ვალდებულია:

8.1.1. უზრუნველყოს მიმწოდებელი, სამხედრო ნაწილებში არსებულ სამხედრო მოსამსახურეთა ერთდროული კვებისათვის საჭირო სამზარეულოთი, სამზარეულო ინვენტარით და სამზარეულოს მოწყობილობა-დანადგარებით, საველე პირობებში, კვების საჭიროების შემთხვევაში საველე სამზარეულოთი და საველე სამზარეულოს დანადგარის ტექნიკური მომსახურებით, რაზედაც მხარეები აფორმებენ მიღება-ჩაბარების აქტს. მიღება-ჩაბარების აქტში აღწერილი უნდა იყოს გადაცემული სასადილო-სამზარეულო, სამზარეულო ინვენტარის და სამზარეულოს მოწყობილობა-დანადგარების ძირითადი კვანძების მდგომარეობა, კომპლექტაცია და არსებული დეფექტები.

8.1.2. საქართველოს შეიარაღებული ძალების გაერთიანებული შტაბის ჯარების ლოგისტიკური უზრუნველყოფის სარდლისა და სამხედრო ნაწილის მეთაურის მიერ გამოყოფილი უფლებამოსილი პირების მეშვეობით ყოველი კვების წინ, არანაკლებ ----- საათით ადრე აცნობოს მიმწოდებელს კონკრეტულად გასაწევი მომსახურების მოცულობა (რაოდენობა).

8.1.3. ხელშეკრულების მოქმედების პერიოდში უზრუნველყოს მიმწოდებელი ალტერნატიული ენერგომატარებელი დანადგარებით, ელექტროგენერატორით, წყალმომარაგებით და სხვა სახის კომუნალური მომსახურებით (გარდა 8.2.5. პუნქტით გათვალისწინებული მომსახურებისა).

8.1.4. შემსყიდველი უფლებამოსილია ჩაატაროს კვებით ორგანიზებისა (მომსახურების) და საკვები პროდუქტების რეგულარული შემოწმება/კონტროლი, 6.1.1. პუნქტში მითითებული პირების მეშვეობით.

8.1.5. პირად შემადგენლობაზე მომზადებული საკვების გაცემამდე ერთი საათით ადრე ქვედანაყოფის ექიმი უფლებამოსილია შეამოწმოს საკვების უვნებლობა და გააკეთოს შესაბამისი ჩანაწერი კონტროლის წიგნში. ქვედანაყოფის ექიმის მიერ, მომზადებული საკვების უვნებლობაზე უარყოფითი პასუხის შემთხვევაში პირად შემადგენლობაზე მომზადებული საკვები არ გაიცემა და შესაბამისად ანაზღაურებას არ ექვემდებარება.

8.2. მიმწოდებელი ვალდებულია:

8.2.1. გაუფრთხილდეს მიღება-ჩაბარების აქტით მასზე გადაცემულ ქონებას (სასადილოს შენობა-ნაგებობას, სამზარეულო ინვენტარს, მოწყობილობა-დანადგარებს და სასადილოსთვის საჭირო სხვა მატერიალურ საშუალებებს).

8.2.2. ხელშეკრულებით გათვალისწინებული მომსახურების ვადის დასრულების შემდეგ გადასცეს შემსყიდველს მიღება-ჩაბარების აქტის საფუძველზე მასზე დროებით გადაცემული ქონება (სამზარეულო, სამზარეულო ინვენტარი და სამზარეულოს მოწყობილობა-დანადგარები) გამართულ მდგომარეობაში, ცვეთის გათვალისწინებით.

8.2.3. მიმწოდებელს ეკისრება სრული მატერიალური პასუხისმგებლობა მისთვის მიღება-ჩაბარების აქტით გადაცემული ქონების (სამზარეულოს, სამზარეულო ინვენტარისა და სამზარეულოს მანქანა-დანადგარების) დაზიანებისა და/ან განადგურებაზე, აღნიშნული მანქანა-დანადგარების, მოწყობილობებისა და სხვა სასადილო ტურტლისა და ინვენტარის დაზიანების და/ან განადგურების შემთხვევაში, მიმწოდებელი ვალდებულია აუნაზღაუროს შემსყიდველს მიყენებული ზიანი.

8.2.4. თავისი სახსრებით აწარმოოს გადაცემულ კვების ობიექტზე არსებული მატერიალური ქონების მიმდინარე სარემონტო სამუშაოები.

8.2.5. უზრუნველყოს საკუთარი სახსრებით სასადილოს და სამხედრო ნაწილის ტერიტორიიდან მის მიერ მომსახურების გაწევის დროს დაგროვილი საყოფაცხოვრებო ნარჩენების გატანა.

8.2.6. უზრუნველყოს საქართველოში მოქმედი სანიტარულ-ჰიგიენური ნორმების დაცვა.

8.2.7. საჭიროების შემთხვევაში შემსყიდველის მოთხოვნის შესაბამისად უზრუნველყოს მომსახურება საველე პირობებში.

8.2.8. შემსყიდველის შეკვეთის შემთხვევაში განახორციელოს ხელშეკრულებით გათვალისწინებული მომსახურება საბრძოლო მოქმედებების (მდგომარეობის) დადგომისას.

8.2.9. წარუდგინოს შემსყიდველს სასურსათო იჯრის ნორმების და თანდართული მენიუს მიხედვით შედგენილი ერთკვირიანი მენიუ-განწილვა, რომელსაც ამტკიცებს 6.1.1. პუნქტში მითითებული პირები.

8.2.10. მომდევნო ერთკვირიანი მენიუ-განწილვა 6.1.1. პუნქტში მითითებულ პირებს უნდა წარუდგინოს შესათანხმებლად არაუგვიანეს წინა კვირის ოთხშაბათსა.

8.2.11. საქართველოს კანონმდებლობის შესაბამისად დაიცვას და არ გაახმაუროს სახელმწიფო საიდუმლოების შემცველი ინფორმაცია, რომელიც მისთვის ცნობილი გახდა ამ ხელშეკრულებით განსაზღვრული ვალდებულებების შესრულებისას.

8.2.12. საომარი მდგომარეობის შემთხვევისა და საქართველოს შეიარაღებული ძალების გაერთიანებული შტაბის ჯარების ლოგისტიკური უზრუნველყოფის სარდლის მოთხოვნის შემთხვევაში, მოაწიოს საბრძოლო მოქმედებების ზურგში დროებითი საველე მომსახურების ადგილი და არ შეწყვიტოს მომსახურების მიწოდება, გარდა იმ შემთხვევისა, როდესაც პროდუქტის მიწოდება შეუძლებელია ფორს-მაჟორული გარემოებების გამო.

9. შესყიდვის ობიექტის მიღება-ჩაბარების წესი

9.1. მიმწოდებლის მიერ მომსახურების გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (შემსყიდველის მხრიდან 6.1.1. პუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით.

- 9.2. მიღება-ჩაბარების აქტის გაფორმების შემთხვევაში მომსახურების მიწოდების თარიღად ჩაითვლება შემსყიდველისათვის მომსახურების ფაქტობრივად გადაცემის თარიღი (მიმწოდებლის წერილობითი შეტყობინება მომსახურების დასრულების შესახებ).
- 9.3. მომსახურების ფაქტობრივად გადაცემა არ წარმოადგენს მომსახურების საბოლოო მიღებას და არ წარმოშობს ანგარიშსწორების ვალდებულებას.
- 9.4. შემსყიდველი უფლებამოსილია, განაცხადოს უარი მომსახურების ან მისი ნაწილის მიღებაზე და მათ ანაზღაურებაზე, თუ:
- 9.4.1 იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო); ან/და
 - 9.4.2 მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე ან/და ხელშეკრულების ღირებულებაზე მეტი ოდენობით (ნამეტის ფარგლებში); ან/და
 - 9.4.3 მიწოდებულია ხელშეკრულებაში ან/და მოთხოვნაში (შეკვეთაში) მითითებულ რაოდენობაზე ნაკლები; ან/და
 - 9.4.4 სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია; ან/და
 - 9.4.5 ხარვეზების გამოსწორება შეუძლებელია; ან/და
 - 9.4.6 კანონმდებლობით გათვალისწინებულ სხვა შემთხვევებში.
- 9.5. მომსახურების (მისი ნაწილის) მიღების და/ან საბოლოო შემოწმების შედეგად გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი.

10. ხარისხი

10.1 მომსახურების თითოეული ეტაპის ხარისხი უნდა შეესაბამებოდეს საქართველოში მოქმედ სტანდარტებს, ამ ხელშეკრულებით და კონკრეტული შეკვეთით განსაზღვრულ მოთხოვნებს.

11. გარანტია

- 11.1. მიწოდებული მომსახურების (ვარგისობის) საგარანტიო ვადა შეადგენს 2 კალენდარულ დღეს, რომელიც აითვლება მომსახურების ფაქტობრივად მიწოდების თარიღიდან.
- 11.2. თუ საგარანტიო პერიოდში აღმოჩნდება ნაკლი, მიმწოდებელი ვალდებულია, შემსყიდველის შეტყობინების მიღებიდან 30 კალენდარულ დღეში განიხილოს (დააკმაყოფილოს ან განაცხადოს მოტივირებული უარი) შემსყიდველის შეტყობინება და შემსყიდველის მოთხოვნის შესაბამისად 30 კალენდარული დღის ვადაში დაუბრუნოს შემსყიდველს გადახდილი თანხა.

12. ხელშეკრულების შესრულების შეფერხება

- 12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.
- 12.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

13. ხელშეკრულებაში ცვლილებების შეტანა

- 13.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.
- 13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 13.3. ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 13.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 13.5. ხელშეკრულების პირობების ნებისმიერი ცვლილება უნდა გაფორმდეს წერილობით, რაც წარმოადგენს ხელშეკრულების განუყოფელ ნაწილს.
- 13.6. ხელშეკრულებაში დამატებების და/ან ცვლილებების შეტანის დოკუმენტს ხელს აწერენ მხარეთა უფლებამოსილი წარმომადგენლები.

14. ხელშეკრულების პირობების შეუსრულებლობა

- 14.1. თუ შემსყიდველი ხელშეკრულების მოქმედების პერიოდში აღმოაჩენს მიმწოდებლის მხრიდან მომსახურების არაჯეროვან ან უხარისხო შესრულებას (კერძოდ: მენიუ-განწილების არასწორად შევსება, კალორიუის დარღვევა, იჯრით გათვალისწინებული ნორმის არასრულად გაცემა, სანიტარულ-ჰიგიენური ნორმების დარღვევა, უხარისხო საკვები პროდუქტების გამოყენება, უხარისხო საკვების მომზადება,

მომსახურების გაწევის ვადის დარღვევა და ხელშეკრულებით გათვალისწინებული სხვა ვალდებულებების დარღვევა), მიმწოდებელს წინასწარი შეტყობინების გარეშე, დაეკისრება პირგასამტეხლო 10000,00 (ათი ათასი) ლარის ოდენობით.

14.2. შემსყიდველი უფლებამოსილია მიმწოდებლისათვის 14.1. პუნქტით გათვალისწინებული პირგასამტეხლოს არაერთგზის დარიცხვის შემთხვევაში ცალმხრივად შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ღირებულების 2%-ის ოდენობით.

14.3.იმ შემთხვევაში, თუ მიმწოდებლის ბრალით დროულად და ხარისხიანად ვერ ხორციელდება მომსახურება, რის გამოც შემსყიდველის მიერ სამხედრო მოსამსახურეთათვის კვების უზრუნველსაყოფად გაწეული იქნა ხარჯები ან გამოყენებული იქნა სხვა მარაგები, მიმწოდებელი ვალდებულია შემსყიდველის მოთხოვნიდან 30 კალენდარული დღის ვადაში აუნაზღაუროს შემსყიდველს სამხედრო მოსამსახურეთათვის კვების უზრუნველსაყოფად გაწეული ხარჯები. მოთხოვნას აღნიშნული ხარჯების ანაზღაურებაზე განახორციელებს 6.1.1. პუნქტში მითითებული პირები.

14.4.პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

14.4. თუ მიმწოდებელს შემსყიდველისაგან მიღებული აქვს ავანსი და ამ ხელშეკრულებას ამოეწურა ვადა მათ შორის შეწყდა ვადა, მაშინ:

14.4.1. მიმწოდებელი ვალდებულია ხელშეკრულების შეწყვეტიდან 10 კალენდარული დღის ვადაში დაუბრუნოს შემსყიდველს ავანსი (მიღება-ჩაბარების აქტით გაფორმებული და შესრულებულინაწილის გამოკლებით).

14.4.2. წინასწარი შეტყობინების გარეშე, 14.1 პუნქტით გათვალისწინებულ პირგასამტეხლოს დამატებით, დაეკისრება შემსყიდველისათვის პირგასამტეხლოს გადახდა ავანსად მიღებული და ავანსიდან შეუსრულებელი თანხის 3%-ის ოდენობით ავანსის მიღების დღიდან თანხის ფაქტობრივად დაბრუნებამდე ყოველ თვეზე (არასრული თვე დაანგარიშდება პროპორციულად, დღეების მიხედვით).

15. ხელშეკრულების შეწყვეტა

15.1. ეს ხელშეკრულება შეიძლება ვადამდე შეწყდეს:

15.1.1. ორმხრივი წერილობითი შეთანხმებით ნებისმიერ დროს;

15.1.2. ნებისმიერი მხარის ინიციატივით, ცალმხრივად, თუ მეორე მხარე არ ან არაჯეროვნად ასრულებს ნაკისრ ვალდებულებას, რის თაობაზეც ამ მეორე მხარეს წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა არანაკლებ 5 სამუშაო დღის ოდენობით. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება, ასევე საქართველოს სამოქალაქო კოდექსით გათვალისწინებულ შემთხვევებში.

15.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

15.2.1. იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

15.2.2. ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

16. ფორს-მაჟორი

16.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით (გარდა 8.2.8. და 8.2.12. ქვეპუნქტებით გათვალისწინებული შემთხვევებისა) ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს 3 კალენდარული დღის ვადაში, იგი თავისი შეხედულებისამებრ, მიზანშეწონილობისა და შესაძლებლობის მიხედვით აკრძალავს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

17. სადაო საკითხების გადაწყვეტა

17.1. მხარეები თანხმდებიან, რომ მათ შორის ამ ხელშეკრულებასა ან მის განხორციელებასთან დაკავშირებული ნებისმიერი სადაო საკითხი მოლაპარაკების მეშვეობით მოაგვარონ.

17.2. თუ სადაო საკითხი მოლაპარაკებით ვერ მოგვარდა, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს საქართველოში.

18. გადასახადები და დაბეგვრა

18.1. მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე.

19. შეტყობინება

19.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

19.2. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მომწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

20. სხვა პირობები

20.1. ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს **2014 წლის 31 დეკემბრის ჩათვლით**.

20.2. ხელშეკრულებაში დამატებების და/ან ცვლილებების შეტანა შესაძლებელია მხოლოდ ორმხრივად შედგენილი დოკუმენტის წერილობითი ფორმით მხარეთა უფლებამოსილი წარმომადგენლების ხელმოწერით.

20.3. ხელშეკრულების დანართები წარმოადგენს წინამდებარე ხელშეკრულების განუყოფელ ნაწილს.

20.4. ყველა სხვა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.

20.5. ხელშეკრულება შედგენილია ქართულ ენაზე, თანაბარი იურიდიული ძალის მქონე 5 (ხუთი) იდენტურ ეგზემპლარად.

შემსყიდველის მხრიდან:

.....

მიმწოდებლის მხრიდან:

.....

4. ხელშეკრულების შესრულების უზრუნველყოფის გარანტია

ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების ჯამური ღირებულების 2%-ის ოდენობით, დანართი №6-ის მიხედვით.

ხელშეკრულების შესრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

ხელშეკრულების შესრულების უზრუნველყოფის საბანკო გარანტია გამარჯვებული პრეტენდენტის მიერ წარმოდგენილი უნდა იქნას ხელშეკრულების დადებამდე.

5. პრეტენდენტის რეკვიზიტები.

პრეტენდენტმა სისტემის გამოყენებით უნდა წარმოადგინოს შემდეგი რეკვიზიტები:

პრეტენდენტის რეკვიზიტები:

- პრეტენდენტის სამართლებრივი ფორმა და დასახელება;
- ხელმძღვანელის სახელი და გვარი;
- პრეტენდენტის იურიდიული ან/და ფაქტობრივი ადგილსამყოფელის მისამართი;
- პრეტენდენტის ტელეფონის/ფაქსის ნომერი;
- საფოსტო და ელექტრონული ფოსტის მისამართი;
- საიდენტიფიკაციო კოდი.

საბანკო რეკვიზიტები:

- ბანკის სახელწოდება;
- ბანკის კოდი;
- პრეტენდენტის ანგარისწორების ანგარიში;
- მომსახურე ბანკის მისამართი.

6. შენიშვნა: შემსყიდველის მიერ ნებისმიერი გასაგზავნი წერილობითი შეტყობინება აიტვირთება სისტემაში და იმავდროულად გაიგზავნება პრეტენდენტის რეკვიზიტებში მითითებულ საფოსტო მისამართზე, ან გადაეცემა ხელზე. შეტყობინება ჩაითვლება ჩაბარებულად მისი სისტემაში ატვირთვის დღიდან.

7. საკონტაქტო პირები სატენდერო დოკუმენტაციის შესახებ განმარტებებისათვის

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში.

წერილობითი მიმართვის შემთხვევაში: ქ. თბილისი, საქართველოს თავდაცვის სამინისტრო, გენ. გ. კვინიტაძის ქ. №20.

სატენდერო აპარატის წევრი: გიორგი ირემაძე

ტელ: 2 91 03 54.

მობ: 577 19 66 19

ელ. ფოსტა: giremadze@mod.gov.ge

სატენდერო აპარატის წევრი: არჩილ ალავეიძე

ტელ: 2 91 12 83.

მობ: 577 39 02 04

ელ. ფოსტა: aalavidze@mod.gov.ge